

Messadi tier la cunvegna da prestaziun denter la vischnaunca e la Regiun Surselva per menar il Center da formaziun Surselva

1. Situaziun da partenza

L'entschatta zercladur 2009 ha il parlament regiunal Surselva tractau il rapport e la proposta dalla suprastanza regionala pertuccont surprender il patrunadi dil Center da formaziun Surselva ch'ei da fundar niev. Il parsura dil departement da lezza gada haveva en siu votum d'entrada argumentau ch'ina purschida da formaziun e scolaziun d'aulta qualitat seigi da muntada centrala per la Surselva. Quei buca mo ord ponderaziuns dalla politica da formaziun, mobein era economicas. In grond diember da persunas seigi occupaus en quei sector e contribueschi aschia da tener activa e vitala l'economia regionala. Dalla fusiun seigien la scola professionala commerciala Surselva, la scola professionala industriala Surselva, la scola media mercantila e propedeutica Surselva, la scola vinavon, la scola da musica Surselva ed il Survetsch logopedic Surselva pertuccai. Il parlament regiunal ha approbau la surprida ed ils 18 da november 2009 ha el approbau il reglament pil Center da formaziun Surselva. Cun quei conclus ei l'introducziun dil Center da formaziun Surselva stada decidida. La Regiun Surselva ha registrau l'impurtonza che l'introducziun dil Center da formaziun Surselva ha per la cuntrada da formaziun Surselva ed era tschentau ils accents necessaris pil futur. La surprida uffiziala dallas scolas ei succedida igl 1 da schaner 2011. Igl 1 d'uost 2016 dumbrava il Center da formaziun Surselva 105 collaboraturs. Cun ina summa da paga da rodund 4,5 milliuns francs s'auda il Center da formaziun tiels impurtonts patruns da lavur ella regiun. Las expensas da rodund 200'000 francs per material da biro e da scola e pli che 370'000 francs per tscheins d'affittaziun e cuosts d'utilisaziun vegnan investai principalmein ella regiun, e da quei profiteschan menaschis ed economia.

Il Center da formaziun Surselva offerescha purschidas attractivas da formaziun, cultura e terapia en Surselva. Tras ina atmosfera famigliara ed innovaziuns sedistingua el d'autras instituziuns. El plidentia e traia era scolars d'autras regiuns.

1.1 Scola da musica Surselva

La scola da musica Surselva offerescha ina vasta purschida ella sparta dallas musas. Igl onn 2015 han 50 persunas d'instrucziun instruiu en varga 30 loghens rodund 800 scolaras e scolars ord la regiun. La purschida dalla scola da musica vegn repartida en instrucziun singula ed instrucziun en gruppa. Cun rodund 180 scolaras e scolars ei il clavazin igl instrument che las pli biaras persunas emprendan. Tedlar als tuns dalla gitarra ed emprender da sunar quella ei dumandau vinavon e tschercau. La scola da musica presta ina contribuziun impurtonta per che scolaras e scolars emprendien las enconuschientschas musicalas e ch'els hagian plascher da far musica aschia ch'els sappien pli tard sunar ellas uniuns dil vitg ed aschia gidar a dar vinavon e tgirar la cultura dils chors e dallas musicas.

1.2 Survetsch logopedic Surselva

Il Survetsch logopedic Surselva intermediatescha oravontut als affons e giuvenils che habiteschan en Surselva e che han disturbis da lungatg e da discuorer (a bucca ed a scret) metodus da tractament el sector dalla prescola, scola e posteriur alla scola (tochen 20 onns). El ei il center da cumpetenzza ella prevenziun, registraziun, examinaziun/diagnostica e terapia tier disturbis da comunicaziun, lungatg, discuorer, vusch e fluenza dil lungatg sco era per cussegljar igl ambient social dallas persunas pertuccadas.

La promoziun dils affons fetg talentai s'auda medemamein tier la partiziun dil Survetsch logopedic. Il program dalla promoziun sedrezza per regla als affons dalla scola primara dalla Surselva ch'ei en scola parzialmein sutdumandai e che drovan tras lur talents intellectuals sfidas specialas el senn da mesiras dalla pedagogia speciala tenor la lescha da scola.

1.3 Scola vinavon

La scola Vinavon porscha in onn da scola supplementar denter il temps obligatoric dalla scola e l'entschatta dalla veta professionala. Tier la scola vinavon vegn differenziau denter il 10avel onn da scola cun formaziun generala, il 10avel onn da scola cun informatica ed igl onn da schanzas. Ils scolars vegnan preparai per la veta professionala. Igl onn da scola dat la caschun d'approfondar la materia d'instrucziun aquistada e d'emprender nova. Il 10avel onn da scola cun partiziun generala levgiescha l'entrada en clamadas dalla tgira, mistregn, mercantil, social, tenercasa ed ulteriurs. Tier la partiziun informatica e lungatgs vegn dau peisa sin quels roms,

tiels lungatgs vegn mess igl accent sil talian ed engles. Ils scolars san sepreparar per far differents diploms da lungatg e dall'informatica ed era passentar ina dimora da lungatg da quater jamnas ell'Engheltiara. Igl Onn da schanzas prepara ils scolars silla veta professiunala. Duront igl onn frequentan els sis jamnas la scola ed absolvan duront 34 jamnas treis differents praticums.

1.4 Scola professiunala commerciala Surselva

La scola professiunala commerciala Surselva offerescha purschidas ella scolaziun professiunala da basa cugl attestat federal da qualificaziun (EFZ) ed ina matura professiunala complementara agl emprendissadi. Ella meina il profil E (diplom: commerciant / commercianta EFZ), il profil M (diplom: commerciant / commercianta EFZ e gl'attestat da maturitad professiunala commerciala) sco era la scolaziun da specialist/a da commerci en detagl EFZ. Duront la scolaziun san ils emprendists far certificats naziunals ed internaziunals (Business English Certificate, Diploma di lingua italiana commerciala, Certificat svizzer d'informatica).

1.5 Scola professiunala industrialia Surselva

La Scola professiunala industrialia Surselva offerescha purschidas ella scolaziun professiunala da basa cugl attestat federal da qualificaziun (EFZ). Ils emprendists da miradur e scrinari absolvan alla Scola professiunala industrialia Surselva schibein l'instrucziun dils roms generals sco era l'instrucziun specialisada. Tut ils ulteriurs emprendists absolvan l'instrucziun specialisada alla Scola professiunala industrialia a Cuera (model da splitting).

1.6 Scola media mercantila e propedeutica Surselva

Ella Scola media propedeutica Surselva vegnan purschi ils secturs professiunals sanadad e pedagogia. Finamira ei la formaziun generala orientada viers la pratica sco preparaziun sin in studi suandont allas scolas aultas propedeuticas sco era da far il diplom dalla scola media propedeutica e la maturitad propedeutica. La Scola media mercantila Surselva prepara ils scolars sillas professiuns mercantilas ed intermediates ad els ina scolaziun adequata excepieu las enconuschientschas professiunalas fundamentalas. Quella scolaziun finescha cugl attestat federal da qualificaziun culla matura professiunala. Duront la scolaziun san ils scolars far certificats naziunals ed internaziunals (First Certificate English, Diploma di Lingua Italiana, Certificat svizzer d'informatica, ABACUS) ed absolver ina dimora da lungatgs egl jester.

1.7 Scola mercantila dil di Surselva

Tier quella scola setracta ei d'ina scolaziun da dus onns orientada viers la pratica per gliud interessada ord clamadas da mistergners, socialessers ni orientai alla vendita. Quella scolaziun ei adattada era per dunnas ed umens da casa, dunnas ed umens che retuornan ella professiun ed ulteriurs interessai che vulan seperfectuar ella sparta mercantila. La scolaziun succeda modular e sedrezza allas pretensiuns dalla fiera da lavur.

2. La cunvegna da prestaziun

Ella votaziun dils 30 da november 2014 ha il pievel grischun approbau la legislaziun adesiva tier la refuorma territoriala. Cunquei remplazzan naven dil 2016 las endisch novas regiuns ils cumins, las corporaziuns regiunales ed ils districts. Las 18 vischnauncas dalla Surselva s'uneschan tier la Regiun Surselva. Las vischnauncas Flem e Trin s'audan da niev tier la Regiun dil Plaun/Imboden. La nova Regiun Surselva dumbra 21'347 habitonts (cefras da habitonts per la fin 2013). Sedia dalla Regiun Surselva ei Glion. Igl onn 2015 han votantas e votants approbau en tuttas vischnauncas-commembras ils statuts dalla Regiun Surselva. Tier artechel 6, alinea 2 da quels statuts eis ei previu che las vischnauncas dalla Regiun autoriseschan la Regiun Surselva da surprender diversas incumbensas communalas. Denter auter setracta ei era da menar e cofinanziar purschidas da formaziun e da terapia da tut gener, scalems da vegliadetgna e da scola sco era tier la scolaziun dils carschi. Tenor alinea 3 dil medem artechel ha la surdada dallas incumbensas da succeder tras cunvegna da prestaziun. En vesta a quella situaziun da partenza eis ei vegniu fixau pigl onn 2016 cullas vischnauncas ina cunvegna globala ch'ei da remplazzar sigl 1 da schaner 2017 cun cunvegna da prestaziun singulas.

La presenta cunvegna da prestaziun pertuccont il menar il Center da formaziun Surselva ha la Conferenza dils presidents dalla Regiun Surselva approbau unanimamein ils 13 da settember 2016 per mauns dallas vischnauncas-commembras.

3. Finanziaziun

Cul consentiment dalla vischnaunca per la cunvegna da prestaziun s'oblighescha quella da pagar ina contribuziun per las prestaziuns offeridas tenor las cundiziuns el capitel 5 dalla cunvegna. Culla clav da repartiziun vegn ina part dallas contribuziuns da vischnaunca repartida solidaric en fuorma d'ina contribuziun anticipada ed ina ulteriura sillas vischnauncas tenor il principi dil caschunader. Contribuziuns ein da pagar per la Scola da musica Surselva e pil Survetsch logopedic Surselva (inclus la promoziun d'affons special talentai). Schibein la Scola vinavon, la Scola professiunala industrial e la Scola professiunala commerciala Surselva sco era la Scola media mercantila e propedeutica Surselva vegnan finanziadas sebasond silla legislaziun cantunala. La Scola mercantila dil di Surselva vegn subvenziunada medemamein cun contribuziuns cantunalas. Per la terapia da logopedia retscheivan las scolas popularas ina contribuziun cantunala per mintga scolar, quei demai che quella terapia sedrezza ed ei da porscher tenor la lescha da scola.

4. Proposta

La Conferenza dils presidents propona a Vus d'approbar la cunvegna da prestaziun denter Vossa vischnaunca politica e la Regiun Surselva pertuccont il menar il Center da formaziun Surselva cun entrada en vigur igl 1 da schaner 2017.

Botschaft zur Leistungsvereinbarung zwischen der Gemeinde und der Regiun Surselva zur Führung des Bildungszentrums Surselva

1. Ausgangslage

Anfangs Juni 2009 behandelte das Regionalparlament Surselva den Bericht und Antrag des Regionalvorstands betreffend Übernahme der Trägerschaft für das neu zu gründende Bildungszentrum Surselva. Der damalige Departementsvorsteher führte in seinem Eintretens Votum aus, dass ein qualitativ hochwertiges Bildungs- und Ausbildungsangebot für die Regiun Surselva von zentraler Bedeutung sei. Dies nicht nur aus bildungspolitischen, sondern auch aus wirtschaftlichen Überlegungen. Eine Vielzahl von Personen sei in diesem Bereich tätig und würde dadurch mithelfen, die regionale Wirtschaft in Gang zu halten. Vom Zusammenschluss seien die Kaufmännische Berufsschule Surselva, die Gewerbliche Berufsschule Surselva, die Fach- und Handelsmittelschule Surselva, die Brückenangebote Vinavon, die Musikschule Surselva und der Logopädische Dienst Surselva betroffen. Das Regionalparlament stimmte der Übernahme zu und genehmigte danach am 18. November 2009 das Reglement für das Bildungszentrum Surselva. Mit diesem Beschluss war die Einführung des Bildungszentrums Surselva beschlossene Sache. Die Regiun Surselva hat mit der Gründung des Bildungszentrums Surselva die Wichtigkeit der Bildungslandschaft Surselva erkannt und die nötigen Akzente für die Zukunft gesetzt. Die offizielle Übernahme der Schulen erfolgte per 1. Januar 2011. Per 1. August 2016 zählte das Bildungszentrum Surselva 105 Mitarbeitende. Mit einer Lohnsumme von rund CHF 4.5 Millionen im Jahr 2015 zählt das Bildungszentrum zu einem wichtigen Arbeitgeber in der Region. Die Ausgaben von rund CHF 200'000 für Büro- und Schulmaterial und über CHF 370'000 für Mieten und Benützungskosten werden hauptsächlich in der Region investiert wovon die Betriebe und Wirtschaft profitiert.

Das Bildungszentrum Surselva bietet attraktive Bildungs-, Kultur- und Therapieangebote in der Surselva an. Durch eine familiäre Atmosphäre und Innovationen hebt es sich von anderen Institutionen ab. Es spricht auch Lernende aus anderen Regionen an.

1.1 Musikschule Surselva

Die Musikschule Surselva bietet ein breites musikalisches Angebot an. Im Jahr 2015 wurden rund 800 Schülerinnen und Schüler aus der Region von rund 50 Lehrpersonen an über 30 Unterrichtsorten unterrichtet. Das Angebot der Musikschule wird unterteilt in Einzelunterricht und Gruppenunterricht. Mit rund 180 Schülerinnen und Schüler ist Klavier das Instrument, welches von den meisten Personen erlernt wird. Den Klängen der Saiten einer Gitarre zu lauschen ist nach wie vor gefragt und beliebt bei den Schülerinnen und Schülern. Die Musikschule leistet einen wichtigen Beitrag, damit die Schülerinnen und Schüler sich das Wissen aneignen und Freude am Musizieren haben, damit sie später in Dorfvereine mitspielen können und so die Kultur der Chöre und Musikgesellschaften weiterleben und -geben.

1.2 Logopädischer Dienst Surselva

Der Logopädische Dienst Surselva vermittelt insbesondere den in der Surselva wohnhaften Kindern und Jugendlichen mit Sprach- und Sprechstörungen (mündlich und schriftlich) entsprechende Behandlungsmethoden im Früh-, Volksschul- und nachobligatorischen Schulbereich (bis zum 20. Lebensalter). Er ist für die Prävention, Erfassung, Abklärung/Diagnostik und Therapie von Kommunikations-, Sprach-, Sprech-, Stimm- und Redeflussstörungen, sowie für die Beratung des sozialen Umfeldes der Betroffenen zuständig.

Die Hochbegabtenförderung gehört ebenfalls zur Abteilung vom Logopädischen Dienst. Das Förderprogramm der Hochbegabtenförderung richtet sich in der Regel an Primarschulkinder aus der Surselva, die in der Schule zeitweise unterfordert sind und die aufgrund ihrer intellektuellen Begabungen spezielle Herausforderungen im Sinne der sonderpädagogischen Massnahmen der Volksschulgesetzgebung benötigen.

1.3 Brückenangebote Vinavon

Die Brückenangebote Vinavon bieten ein Schuljahr zwischen der obligatorischen Schulzeit und dem Einstieg ins Berufsleben an. Bei den Brückenangeboten Vinavon wird zwischen dem 10. Schuljahr Allgemeinbildung, dem 10. Schuljahr Informatik und Sprachen und dem Chancenjahr unterschieden. Die Lernenden werden auf das Berufsleben vorbereitet. Während dem Schuljahr wird der erworbene Schulstoff vertieft und neuer Stoff gelernt. Das 10. Schuljahr Allgemeinbildung erleichtert den Einstieg in pflegerische, gewerbliche, kaufmännische, soziale, hauswirtschaftliche und weitere Berufe. Beim 10. Schuljahr Informatik und Sprachen wird das Gewicht vor allem

auf Informatik und Sprachen (Italienisch und Englisch) gelegt. Die Lernenden können sich auf verschiedene Sprach- und Informatikdiplome vorbereiten und können einen vierwöchigen Sprachaufenthalt in England verbringen. Im Chancenjahr werden die Lernenden auf das Berufsleben vorbereitet. Während einem Schuljahr besuchen die Lernenden sechs Wochen lang die Schule und absolvieren während 34 Wochen drei verschiedene Praktika.

1.4 Kaufmännische Berufsschule Surselva

Die Kaufmännische Berufsschule Surselva bietet Angebote in der beruflichen Grundbildung mit eidgenössischem Fähigkeitszeugnis (EFZ) sowie eine lehrbegleitende Berufsmatura an. Sie führt das E-Profil (Abschluss: Kaufmann / Kauffrau EFZ), das M-Profil (Abschluss: Kaufmann / Kauffrau EFZ und kaufm. Berufsmaturitätszeugnis) sowie die Ausbildung für Detailhandelsfachfrau/ -mann EFZ. Während der Ausbildung können die Lernenden nationale und internationale Zertifikate erlangen (Business English Certificate, Diploma di lingua Italiana commerciale, Schweizerisches Informatikzertifikat).

1.5 Gewerbliche Berufsschule Surselva

Die Gewerbliche Berufsschule Surselva bietet Angebote in der beruflichen Grundbildung mit eidgenössischem Fähigkeitszeugnis (EFZ) an. Lernende MaurerInnen und SchreinerInnen besuchen sowohl den allgemeinbildenden wie auch den fachlichen Unterricht an der Gewerblichen Berufsschule Surselva. Alle übrigen Lernenden besuchen den fachlichen Unterricht an der Gewerblichen Berufsfachschule Chur (Splitting-Modell).

1.6 Fach- und Handelsmittelschule Surselva

In der Fachmittelschule Surselva (FMS) werden die Berufsfelder Gesundheit und Pädagogik angeboten. Ziel ist die praxisbezogene Allgemeinbildung als Vorbereitung auf das anschliessende Studium an Fachhochschulen und die Erlangung des Fachmittelschulausweises und der Fachmaturität. Die Handelsmittelschule Surselva bereitet die Lernenden auf den kaufmännischen Beruf vor und vermittelt ihnen ausser den grundlegenden Fachkenntnissen eine angemessene Ausbildung. Sie wird mit dem eidgenössischen Fähigkeitszeugnis mit Berufsmaturität abgeschlossen. Während der Ausbildung können die Lernenden nationale und internationale Zertifikate erlangen (First Certificate English, Diploma di Lingua Italiana, Schweizerisches Informatikzertifikat, ABACUS) und einen Sprachaufenthalt absolvieren.

1.7 Tageshandelsschule Surselva

Bei der Tageshandelsschule Surselva handelt es sich um einen zweijährigen praxisorientierten Lehrgang für interessierte Berufsleute aus handwerklichen, sozialen oder verkaufsorientierten Berufen an. Diese Ausbildung eignet sich auch für Hausfrauen oder Hausmänner, WiedereinsteigerInnen und weitere Interessierte, die sich kaufmännisch weiterbilden möchten. Die Ausbildung erfolgt modular und ist auf die Anforderungen des Arbeitsmarktes ausgerichtet.

2. Die Leistungsvereinbarung

Das Bündner Stimmvolk hat am 30. November 2014 der Anschlussgesetzgebung zur Gebietsreform zugestimmt. Damit ersetzen ab 2016 die elf neuen Regionen die Kreise, Regionalverbände und die Bezirke. Die 18 Gemeinden der Surselva schliessen sich zur Region Surselva zusammen. Die Gemeinden Flims und Trin gehören neu zur Region Imboden. Die neue Region Surselva verfügt über 21'347 Einwohner (Einwohnerzahlen per Ende 2013). Sitz der Region Surselva ist Ilanz. Im Jahr 2015 genehmigten die Stimmbevölkerung in allen Mitgliedsgemeinden die Statuten der Region Surselva. Die Statuten der Regiun Surselva sehen unter Artikel 6 Absatz 2 vor, dass die Regionsgemeinden die Regiun Surselva ermächtigen, bei verschiedenen kommunalen Aufgaben tätig zu werden. Unter anderem auch bei der Führung und Mitfinanzierung von Bildungs- und Therapieangeboten aller Art, Alters- und Schulstufen wie auch in der Erwachsenenbildung. Gemäss Absatz 3 des gleichen Artikels hat die Aufgabenübertragung mittels Leistungsvereinbarungen zu erfolgen. In Anbetracht dieser Ausgangslage wurde für das Jahr 2016 eine Globalleistungsvereinbarung mit den Gemeinden abgeschlossen, welche auf 1. Januar 2017 durch Einzelleistungsvereinbarungen zu ersetzen sind.

Die vorliegende Leistungsvereinbarung betreffend Führung des Bildungszentrums Surselva wurde am 13. September 2016 von der Präsidentenkonferenz der Regiun Surselva einstimmig zu Handen der Mitgliedsgemeinden verabschiedet.

3. Finanzierung

Mit der Zustimmung der Gemeinde zur Leistungsvereinbarung verpflichtet sich diese, für die angebotenen Leistungen einen Beitrag nach den Vorgaben in Kapitel 5 der Leistungsvereinbarung zu leisten. Mit dem Verteilschlüssel wird ein Teil der Gemeindebeiträge in Form eines Gemeindevorwegbeitrags solidarisch und ein weiterer Teil wird nach dem Verursacherprinzip auf die Gemeinden verteilt. Beiträge sind zu leisten für die Musikschule Surselva und für den Logopädischen Dienst Surselva (inkl. Hochbegabtenförderung). Sowohl die Brückenangebote Vinavon, die Gewerbliche und Kaufmännische Berufsschule Surselva wie auch die Fach- und Handelsmittelschule werden aufgrund der kantonalen Gesetzgebung finanziert. Die Tageshandelsschule Surselva wird ebenfalls durch kantonale Beiträge subventioniert. Für Logopädietherapie erhalten die Volksschulen einen kantonalen Beitrag pro SchülerIn, da diese Therapie sich nach dem Volksschulgesetz richtet und anzubieten ist.

4. Antrag

Die Präsidentenkonferenz beantragt Ihnen, die Leistungsvereinbarung zwischen Ihrer Politischen Gemeinde und der Regiun Surselva betreffend Führung des Bildungszentrums Surselva mit Inkrafttreten per 1. Januar 2017 zu genehmigen.